



ქალაქ თბილისის მუნიციპალიტეტის საგრებულო



დ ა დ გ ე ნ ი ლ ე ბ ა № 10-18

“16” იანვარი 2018 წ

ქ. თბილისი

„ქალაქ თბილისის მუნიციპალიტეტის მერიის დებულების დამტკიცების შესახებ“
ქალაქ თბილისის მუნიციპალიტეტის საკრებულოს 2014 წლის 22 დეკემბრის
N19-58 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის
საფუძველზე, ქალაქ თბილისის მუნიციპალიტეტის საკრებულო ადგენს:

1. „ქალაქ თბილისის მუნიციპალიტეტის მერიის დებულების დამტკიცების შესახებ“
ქალაქ თბილისის მუნიციპალიტეტის საკრებულოს 2014 წლის 22 დეკემბრის N19-58
(ვებგვერდი www.matsne.gov.ge, გამოქვეყნების თარიღი 24/12/2014, სარეგისტრაციო კოდი
010260050.35.101.016076) დადგენილებით დამტკიცებულ დებულებაში შევიდეს
შემდეგი ცვლილება:

1. მე-3 მუხლის:

ა) „გ.ი“, „გ.კ“ და „გ.ლ“ ქვეპუნქტები ამოღებულ იქნას;

ბ) „გ.ო“ ქვეპუნქტი ჩამოყალიბდეს შემდეგი რედაქციით:

„გ.ო) თბილისის მერიის ინფრასტრუქტურის განვითარების საქალაქო სამსახური;“;

გ) „გ.ო“ ქვეპუნქტის შემდეგ დაემატოს შემდეგი შინაარსის „გ.პ“, „გ.ჟ“ და „გ.რ“
ქვეპუნქტები:

„გ.პ) თბილისის მერიის გარემოს დაცვის სამსახური;

გ.ჟ) თბილისის მერიის კულტურის, განათლების, სპორტისა და ახალგაზრდულ
საქმეთა საქალაქო სამსახური;

გ.რ) თბილისის მერიის ურბანული განვითარების საქალაქო სამსახური.“

2. მე-8 მუხლის პირველი პუნქტის „თ“ ქვეპუნქტი ჩამოყალიბდეს შემდეგი
რედაქციით:

„თ) თბილისის საკრებულოს დასამტკიცებლად წარუდგენს თბილისის მერიის
თანამდებობის პირთა და მოხელეთა საშტატო ნუსხას „საჯარო დაწესებულებაში შრომის
ანაზღაურების შესახებ“ საქართველოს კანონის შესაბამისად.

2. დადგენილება ამოქმედდეს 2018 წლის 22 თებერვლიდან.

საკრებულოს თავმჯდომარე

გიორგი ტყემალაძე

განმარტებითი ბარათი

„ქალაქ თბილისის მუნიციპალიტეტის მერიის დებულების დამტკიცების შესახებ“ ქალაქ
თბილისის მუნიციპალიტეტის საკრებულოს 2014 წლის 22 დეკემბრის N19-58
დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის
საკრებულოს დადგენილების პროექტის შესახებ

ა) ქალაქ თბილისის მუნიციპალიტეტის საკრებულოს დადგენილების პროექტის
(შემდგომში - პროექტის) მიღების (გამოცემის) მიზნზი/ პროექტის დამახასიათებელი
ძირითადი ნიშნები: პროექტის მიღება განპირობებულია, სისტემური და ეფექტური
მმართველობის უზრუნველყოფის მიზნით, ქალაქ თბილისის მუნიციპალიტეტის მერიის
სისტემაში რეორგანიზაციის საფუძველზე განხორციელებული ცვლილებებით.

ქალაქ თბილისის მუნიციპალიტეტის მერიაში განხორციელებული
სტრუქტურული ცვლილებების შედეგად უქმდება ქალაქ თბილისის მუნიციპალიტეტის
მერიის ეკოლოგიისა და გამწვანების საქალაქო სამსახური. იქმნება ახალი
სტრუქტურული ერთეულები, კერძოდ: ქალაქ თბილისის მუნიციპალიტეტის მერიის
გარემოს დაცვის სამსახური და ქალაქ თბილისის მუნიციპალიტეტის მერიის ურბანული
განვითარების საქალაქო სამსახური.

ქალაქ თბილისის მუნიციპალიტეტის მერიის კულტურის საქალაქო სამსახურის
და ქალაქ თბილისის მუნიციპალიტეტის მერიის განათლების, სპორტისა და
ახალგაზრდულ საქმეთა საქალაქო სამსახურის გაერთიანებით იქმნება ქალაქ თბილისის
მუნიციპალიტეტის მერიის კულტურის, განათლების, სპორტისა და ახალგაზრდულ
საქმეთა საქალაქო სამსახური.

ამასთან, იცვლება ქალაქ თბილისის მუნიციპალიტეტის მერიის კეთილმოწყობის
საქალაქო სამსახურის სახელწოდება - ქალაქ თბილისის მუნიციპალიტეტის მერიის
ინფრასტრუქტურის განვითარების საქალაქო სამსახურით.

ასევე, „საჯარო დაწესებულებაში შრომის ანაზღაურების შესახებ“ საქართველოს
კანონთან დებულების შესაბამისობაში მოყვანის მიზნით, განისაზღვრება, ქალაქ
თბილისის მუნიციპალიტეტის მერის მიერ ქალაქ თბილისის მუნიციპალიტეტის
საკრებულოში თბილისის მერიის თანამდებობის პირთა და მოხელეთა საშტატო ნუსხის
წარდგენის უფლებამოსილება.

ბ) პროექტის საფინანსო-ეკონომიკური გაანგარიშება:

პროექტის მიღებამ შესაძლებელია გამოიწვიოს გარკვეული ცვლილებები
საფინანსო-ეკონომიკური კუთხით, თუმცა აღნიშნული დამოკიდებული იქნება
შესაბამისი საშტატო ნუსხის წარდგენასთან.

გ) პროექტის ავტორი (ავტორები):

ქალაქ თბილისის მუნიციპალიტეტის მერია.

დ) პროექტის წარმდგენი:

ქალაქ თბილისის მუნიციპალიტეტის მერი.